



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

VII. Renuntiationes admittere poterant Metropolitani. Innocentius III. id jus reservavit apostolicæ sedi. Hilgodus Suessionensis renuntiavit episcopatui, & in monasterium secessit, inscio prorsùs ...

**urn:nbn:de:hbz:466:1-15617**

ex translatione hujusmodi emersura sit utilitas Ecclesiarum; & eo casu translationem Episcoporum decernere possunt. Diserta prorsus in eam rem sunt verba Concilij Carthag.

**I V. can. xxvi.** *Episcopus de loco ignobilis ad nobilem per ambitionem non transeat, nec quisquam inferioris ordinis Clericus. Sanè si utilitas Ecclesie siendum poposcerit, decreto pro ea Clericorum & laicorum Episcopos porrecto, in presentia synodi transferatur, nihilominus alio in locum ejus subrogato. Qui locus à Gratiano relatus est 7. q. 1. c. Episcopus.*

V. Confiduerat Pelagium secundum Benignus Archiepiscopus an secundum canones licita forent Episcoporum translationes, & utrum peragi possent auctoritate Metropolitanorum, an verò necessarium esset apostolica sedis potestatem implorare. *Exigit ergo dilectio tua*, inquit Pelagius ad Benignum scribens, *consulta sedis apostolice si licitum foret Episcopum transfire de civitate in civitatem, dum quidam canones, ut tibi videatur, hoc fieri prohibeant. Infrā: Quidam dicant hoc fieri licere, nisi consensum apostolice sedis habuisses. Prima ergo inquisitioni aperte & dilucide responderet Pelagius, canones interpretando. Quod in canonibus legitur, inquit, non debere Episcopum de civitate ad civitatem transfire vel transferri, non de his dicitur qui aut vi expulsi, aut necessitate coacti, aut auctoritate majorum hoc agunt, sed de iis qui avaricie ardore inflammati, sponte sua profiliunt, & potius ambitioni quam utilitati Ecclesia servire, & qui ut dominationem agant insistere cupiunt. Hanc autem interpretationem probat exemplis veterum & variis argumentis. Secundæ verò inquisitioni, an videlicet consensus sedis apostolica necessarius sit ut translationes fieri possint, respondet ingenuè, dicens Metropolitanum, qui jus habet ordinandi Episcopos, eisque titulos & Ecclesiastis assignandi, posse etiam, si necessitas cogat aut utilitas, eos mutare ac transferre: Quia sicut potestatem habes Episcopos & Sacerdotes regulariter titulare & ordinare, ita, ut prædictum est, causa necessitatis aut utilitatis habes & mutare, ac de titulo ad titulum translatare, licet de minori ad majorem urbem mutandus sit.*

V. Iuris Canonici interpretes Græci eandem distinctionem adhibent, & eam his vocabulis exprimunt, *μεταφέρειν, μεταβάσις, θεοφόροι*, id est, *translatio, migratio & invasio*. Harum primam permittit canon xiv. apostolicus, eò quod pro Ecclesiæ utilitate fiat, non Episcopi translati moru, sed plurimorum Episcoporum judicio: *καὶ ἀφ' εἰωθεῖσας καὶ πολλοὶ θεοφόροι*. Secundam quoque permittit canon xvi. Antiochenus;

Tom. II.

cum Episcopus sede sua pulsus, quæ ab ethnici aut haereticis occupatur, in Ecclesia vacante functiones Episcopi exerceret; sed tamen migrationem illam fieri debere in synodo provinciae præcipit ifdem canon Antiochenus: *περι διατίθεσις τηλείας οὐδέδου. At invasionis prorsus verita est. Invasionis autem dicitur, cum Episcopus sponte sua ab una Ecclesia in aliam migrat, vel ad eam transferatur absque ulla Ecclesiæ utilitate. Apud Leunclavium in libro quarto Iuris Graeco-Romani extat Tractatus *ἡ μεταθέσις*, in quo referuntur quamplurima exempla variarum translationum; unde concludit auctor: Migratio prohibita est, non translatio: γενέσις νεκρῶν, οὐ μία ἡ μεταθέσις.*

VI. Cessiones verò episcopatum olim veritate erant, ut disertis verbis docet Cyrillus Alexandrinus in epistola ad Domnum, Ratio inde petitur, quod si Episcopus suo episcopatu dignus est, in eo permanere debet; si vero dignus non est, illum quidem deferere tenetur, non tamen per renuntiationem, sed cum causa cognitione, & post sententiam adversus eum pronuntiatam. Negari tamen non potest quin interdum emergant occasiones in quibus discedendum est à summo illo jure, videlicet si Episcopus ægrotet, si dura & pertinax plebs in contumacia perseveret, au si ea sit Episcopi infirmitas ut negotiorum in dies emergentium nimia frequentia opprimatur, neque omnia exequi possit. Ultima hæc exceptio impulit synodum Pamphylia ut Eustathij. Metropolitanus sui resignationem admitteret, in cuius locum suffectus est Theodorus. Verùm Eustathius apud Synodum Ephesinam conquisitus est de hac dejectione sua; non quod celsus fuisse suam in irritum mitti vellet, sed ut benignitatem synodi huc fleceret ut & nomen & dignitatem Episcopi retinere posset, id est, honorē & redditus necessarios ad vitam, quod ei concessum quidem est, sed ea lege, ut nullam episcopalis muneric partem attineret absque consensu Theodori. Præjudicio Synodi Ephesinæ, qua renuntiationem episcopatus fieri permittit, fratre Ecclesiæ Orientis & Occidentis, Episcoporum resignations receperere, modo aequitate quædam niterentur. Et Græcorum quidem usus confirmatus est in Concilio CP. sub Phorio can. xvi. Occidentis verò praxim suis literis firmarunt Pelagius, Gregorius primus, & alii, quorum auctoritates adducuntur in Decreto Gratiani 7. q. 1. Innocentius autem III. in quadam Decretali recenseret causas derentias, ob quas resignationes episcopatum admitti possunt.

VII. Constat igitur translationes olim

Cc

*Episcop. Synod. Ephesi. ad Syria. Pamphylia.*

*Secessit Hilgo-  
dum apud Majus  
monasterium Tu-  
ronense, abdica-  
to episcopatu, il-  
legit monachum  
fuisse quam syno-  
dus Clermontana  
celebrata est ab Vi-  
tiano I. scribitur  
in veteri codice  
MS. Bibliotheca  
Segueriana.*

Theodor. lib. 5.  
c. 23.

August. epist. 34.

Idem ep. 110.

fieri consuevit auctoritate Metropolitano-  
rum : qui ob eandem rationem admittere  
etiam poterant renuntiationes , donec novo  
jure eas Innocentius III. apostolicæ fedi  
reservavit. Sanè apud Iwonem Carnotensem  
in epist. LXXXVII. legimus Hilgodum  
Sueffionensem Episcopum renuntiasse suo  
episcopatu , & in monasterium secessisse ,  
inscio prorsus Summo Pontifice. Quippe  
Paschali II. ignorata fuisse causas hujus  
renuntiationis, tametsi diu antea peracta fuisset,  
probatur ex hac epistola : in qua Ivo (ob  
aliam tamen causam , neque enim de hoc  
agebatur) causas hujus renuntiationis &  
cessionis ab Hilgodo factæ aperit eidem  
Paschali.

VIII. Ceterum resignationes puræ esse  
debeant , non autem in favorem alicujus  
certæ personæ ; quod secundum Canones  
vetitum esset ne Episcopi sibi deligerent  
successores , ut patet ex canone XXIIII.  
Concilij Antiocheni : *Episcopo non licere pro  
se alterum successorem sibi constituere , licet ad  
exitum vite perveniat. Quod si tale aliquid fa-  
ctum fuerit, irritum esse hujuscemodi est consti-  
tutum.* Ad hunc canonem alludit Theodore-  
tus , dum invehitur in Paulinum Episcopum  
Antiochenum , qui successorem sibi consti-  
tuerat Evagrium. Extant tamen exempla in  
contrarium. Nam Valerius Hippomensis  
Episcopus Augustinum in Ecclesia sua ordi-  
nari Episcopum fecit, ut Coadjutor & Coë-  
piscopus esset; ita ut novo more , inquit Pau-  
linus , non tam succederet quam accederet. Ce-  
terum ordinationem illam probavit cleri &  
populi consensus & Episcoporum compro-  
vincialium. Canones nihilominus Nicanos  
in ea violatos esse fatetur Augustinus; non  
quia ipse successor Valerio destinatus esset,  
sed quia Episcopus annâ cum illo fuit. Quippe  
Concilium illud vetuerat ne duo Episco-  
pi essent in una Ecclesia. Nam quod spectat  
ad electionem successoris , nihil in ea repre-  
hendebat , modò fieret cum consensu cleri  
& plebis , id est , eorum ad quos jus eligendi  
pertinebat. Certe ipsomet Augustinus  
successorem sibi constituit Eradium in plena-  
rio Ecclesiæ sua cœtu : cui electioni ut ac-  
cederet cleri & populi Hippomensis consen-  
sus effecit , & Acta consensu eorum per  
Notarios excipi jussit. Sed extant præterea  
quamplurima exempla hujus praxis.

X. Fatendum tamen est plenam peri-  
culi fuisse hanc consuetudinem , viamque  
aperuisse ad successiones hereditarias in Ec-  
clesiis , exclusa prorsus contemplatione virtutum  
ac meritorum , quo nihil politia ec-  
clesiastica perniciosius contingere poterat.  
Sapienter itaque Hilarus Papa , qui hæc

deinceps in Ecclesiis Hispaniarum fieri prohibuit , his verbis : *Episcopatum , qui non nisi meritis precedentibus datur , non divinam manus , sed hereditarium putare esse compendium;* & credunt sicut res caducas atque mortales , ita sacerdotium velut legatario aut testamentario jure posse dimitti.

X. Substitutiones illæ cum futura suc-  
cessione possunt tolerari si consensus acce-  
dat superioris & eorum quibus jus eligendi  
competit. Sed prorsus legitimæ sunt si tanta  
fuerit Episcopi ægritudo ut functiones suas  
exercere non possit , ita ut Coadjutore indi-  
geat. Huic enim Coadjutori concedi posse  
futuram successionem , ut hoc stimulo exci-  
tetur ad exequenda Coadjutoris munia , de-  
crevit Gregorius I. ad Reginam Brunichil-  
dem scribens : *Si vero nullo tempore ad men-  
tis sane reddit officium , queri persona debet vita  
& moribus decorata , que & animarum curam  
gerere & ejusdem Ecclesiæ causas utilitatibusque  
salubribus valeat ordinatione disponere; talisque , si  
superstes fuerit , ejus possit loco succedere.*

XI. Quod si quis objiciat nemini licere  
Coadjutores dare cum futura successione  
præterquam Summo Pontifici , opponi po-  
terit exemplum Augustini; ex quo trahi po-  
test argumentum jus illud Episcopis quoque  
comprovincialibus competere , si quis Epis-  
copus Coadjutorem postuleret , & eorum con-  
sensus accedat ad quos electio pertinet. Ve-  
rū ne negotium illud ab ea antiquitate re-  
petamus , canones quoque Gallicani pro-  
bant usum illum esse legitimum , & synodus  
provinciæ posse decernere hoc jus future  
successionis in gratiam eximij cuiusdam viri,  
sive de episcopatu agatur , sive de archie-  
piscopatu. Legatur canon XLV. Melden-  
sis Concilij , quod anno DCCXLV. con-  
venit. *Sed si Episcopus ministerium ecclesiasti-  
cum propter infirmitatem corpoream exhibere  
non poterit , in Archiepiscopo hoc , cum volun-  
tate Episcopi ejusdem Ecclesiæ , maneat ordina-  
tione qualiter debitum officium non remaneat.  
Obsequium vero ad Remp. pertinens qualiter  
exequatur per tales ex subditis & ecclesiasticis  
ministris , cum consensu Archiepiscopi , proper  
pacis caritatibusque custodiā , Episcopus ordinet  
ad disponat , quos succedendi in episcopatu ap-  
petitus indebitus non elevet neque vexet ; nisi  
ita moratus extiterit , ut secundum institutum beati  
Gregorij in libro epistolarum & humiliter in  
subditione presit , & post viriliter conveniens  
sanctis regulis presit : quia ob hoc in multis Ec-  
clesiis scandalum magnum confinximus. Si au-  
tem in Archiepiscopo talis necessitas acciderit , si-  
militer ipse consilio coëpiscoporum suorum hujus-  
modi ordinationem exhibeat.*

XII. Abbates autem , cùm antiquitus